



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 123. Varia ab Henrico in Regno suo stabilita.

[urn:nbn:de:hbz:466:1-66800](https://nbn-resolving.de/urn:nbn:de:hbz:466:1-66800)

§. CXXIII.

Sæcul. XVI.

A. C. 1559.

*Varia ab Henrico in Regno suo
stabilita.*

Ceterum Henricus Rex corpore, quod *Hist. geneal.*
tamen justam staturam non exce-*t. c.*
debat, erat procero, & vultu nonnihil
oblongo, nasoque recto, & parum elato,
fronte grandi, ac serena, atque aspectu
fixo blandus, admodum comis esse vi-
debatur, ejus vero facies colorem sub-
nigrum, parumque rubicundum præ-
seferebat. Hic idem apud Rhedones
in Britannia Senatum instituit, quem
nonnisi semestrem esse voluit, ad quam
quoque normam, ut supra memoravi-
mus, Parisiensem Senatum revocabat,
quamvis hæc lex nonnisi per triennium
vigeret: Insuper Monetalium Judicum
curia eo regnante ad summam Senatus
jurisdictionem evehebatur, nec minus
Montferrandiæ in Alvernia supremum
rei tributariæ tribunal instituit, quod
tamen progressu temporis Claromon-
tium Alverniæ Metropolim translatum
fuit. Porro in præcipuis Regni sui ur-
bibus abolita Senescalorum, Præposito-
rum, ac Rectorum jurisdictione Præsi-
diales curias, seu tribunalia erexit, nec-
non eo Regnante secretioris Senatus
Ministri, ac edictorum Scribæ nominari
cœperant, qui ad urbes, & Provincias

P 3

ipſis

Sæcul. XVI ipsis assignatas diplomata expedirent.
A.C. 1559. Denique Albretanam Toparchiam in Aquitania adjecta Parium Franciæ dignitate in Henrici Navarræ Regis favorem ad ducatum evehebat, atque Albamarlensem Comitatum in Normannia pro Claudio Lotharingio primo Guilli Duce, necnon pro Anna Franciæ Connestabili Montmorentianorum Baronum Satrapiam Ducatus titulo, ac jurisdictione augebat; hinc enim Connestabilem rursus ad aulam suam, a qua sub Francisco I. exularé jubebatur, revocatum singulari affectu honorabat.

§. CXXIV.

Franciscus II. Henrici II. Patris Successor.

*Spond. hoc
ann. n. 23.
Belcar.
comm. l. 28.
num. 32.* Successerat Henrico defuncto Franciscus II. natu major illius Filius, qui jam antea Mariæ Stuartæ matrimonio junctus Scotiæ Rex appellabatur. Hic Princeps erat imbecilli, ac infirma corporis valetudine laborans, ac tum non nisi decimum sextum ætatis suæ annum cum semestri expleverat; natus enim erat Anno Christi millesimo quingentesimo quadragesimo tertio die vigesima Januarii, ac proin juxta Regni leges jamjam extra Tutorum potestatem positus Regni habenis per seipsum moderandis aptus erat: nihilominus cum ju-